



6. december 2013

Matumuuna Inatsisartut suleriaasianni § 37 naapertorlugu Naalackersuisunut apeqquteqaatit ingerlatippakka.

(Inatsisartunut ilaasortaq Aqqaluaq B. Egede, Inuit Ataqatigiit)

- 1) **Namminersorlutik Oqartussat Grønlands Banken-mut aktie-nik piginneqataassutaasa tunineqarnerisa kingorna kingorna aningaasat isertitassatut naatsorsuutigineqartut tamarmik isertinneqareersimappat?**
- 2) **Namminersorlutik Oqartussat annerusumik minnerusumilluunniit selskabit pigisaat aktie-nik Namminersorlutik Oqartussat piginneqataassutaanik pisisuussappata, aningaasat isertitassatut naatsorsuutigineqartut ilumut inuiaqatigiit isertississutissaattut iluanaarutissaattulluunniit oqaatigineqarsinnaappat?**
- 3) **Naalackersuisut qulakkeeqqavippaat Grønlands Banken-ip (GB) aktie-nik nalilinnik Namminersorlutik Oqartussat pigisaannit piginneqataassutit tunineqarneranni tunngaviuner-soq aningaasanik missingersuusionermi kukkuluttorneq tunngavigalugu tassanngaan-nartumik isertitassanik nassaarniarnermi aktie-at pineqartut tunineqarnissaat aalajangiunneqarsimasoq?**
- 4) **Naalackersuisut qanoq naatsorsuuteqarpat imaluunniit paasissutissinnaappat, piginneqataassutit tunineqarnerat pillugu Grønlands Banken isumaqataava?**
- 5) **Inuiaqatigiit aningaasarsiornikkut akiliisinnaassuseqarnerat eqqarsaattigalugu siunissami ilumut inuiaqatigiit aningaasaqarniarnikkut iluanaarutissaattut piginneqataassutinik tunisineq Naalackersuisut nalilerpaat?**
- 6) **Ukiut 30-it ingerlaneranni siunissami piginneqataassutit nalingi anner-tuumik allannguu-teqarsimanngitsut naatsorsuutigissagaanni, GB-mit piginneqataassutit tunineqarneranni inuiaqatigiit aningaasat isertitassarlui annaaneqartussat qanoq nalilerneqarsinnaappat?**

- 7) **GB-mut piginneqataassutit tunineqarnissaat siunertaralugu sulineq sumut killippa?**
- 8) **Namminersorlutik Oqartussat piginneqataassutaasa tunineqarnerat pillugu GB qanoq isumaqarpa? I luarisimaarinnippat?**
- 9) **GB-mut Namminersorlutik Oqartussat piginneqataassutaat tunineqartut eqqarsaatigalugit aalajangiussap inuiaqatigiinnut aningaasarsionermullu aammalu pissutsinik sunik allanik qanoq kinguneqarnissaa Naalakkersuisunit peqqissaartumik nassuiarneqassasoq kissaatigaara.
Piginneqataassutininik tunisineq qanoq kinguneqassava Grønlands Banken-mut aamma Namminersorlutik Oqartussat-nut?**
- 10) **Piginneqataassutininik tunisinerup iluaqutissartai ajoqqutissartarisinnaasaalu Grønlands Banken-ip aammalu Naalakkersuisut qanoq nassuiateqarfigisinnaavaat?**

Tunngavilersuut

Inatsisartut Aningaasanut Inatsisissaata amerlanerussuteqartunit akuersissutigineqarnissaata tungaanut illua-tungiliuttut GB pillugu apeqqutit arlallit akissuteqarfigineqanngitsut nalornissutigaaqut. Suliassaq tassanngaannartumik kingunerisassaannillu misissuiffiunngitsumik ingerlanneqartoq ilisimasassanik pingaarutilinnik misissuiffigissallugu piffissaqartinneqanngilagut.

Taamaammat tunngavilersuummi apeqqutit qulaani allatakka ilaapput. Apeqqutit ullut qulit qaangiutsinnagit akineqarnissaat kissaatigaara.